

Ата Заң – қағидасы парасаттың!

№34 (20 899)
28 тамыз,
2025 жыл, бейсенбі



Атырау

Облыстық қоғамдық-саяси газет

- Atyrau.gazeti
- atyrau_gazeti@mail.ru
- Атырау газеті
- www.atr.kz
- «Атырау» газеті
- atyrau_gazeti
- Atyrau_news
- Атырау жаңалықтары

30 ТАМЫЗ – КОНСТИТУЦИЯ КҮНІ!



Қадірлі Атырау жұрты!

Сіздерді елдігіміздің берік тұғыры – айбынды Ата Заңымыздың қабылданғанына 30 жыл толу мерейтойымен шын жүректен құттықтаймын!

Мемлекеттің басты құжаты 1995 жылы 30 тамызда өткен референдумда қабылданып, осы кезеңде оған бірнеше маңызды өзгерістер енгізілді. Ал Жаңа Қазақстанды жан-жақты демократияландыру мен саяси жүйені жаңғыртудың бастауында 2022 жылғы конституциялық референдум тұр.

Ата Заңдағы өзгерістер Қазақстанда жаңа саяси модель қалыптастырды. Әлбетте, бұл реформаның негізінде халықтың әл-ауқатын арттыру мүддесі тұр. Қуатты Конституция – қуатты ел.

Президент Қасым-Жомарт Тоқаев айтқандай, Ата Заңды құрметтеп, оның талаптарын бұлжытпай орындау – нағыз отаншылдықтың және жоғары жауапкершіліктің айқын көрінісі. Осы мүдде аясындағы «Заң мен тәртіп» идеологиясын

ілгерілету тұжырымдамасы да Әділетті Қазақстанға арқау болмақ.

Лайым Ата Заңның айбыны асқақ болып, елдің беделі арта берсін. Әр шаңыраққа мол ризық, бақ-береке тілеймін.

Мереке құтты болсын, ағайын!

Құрметпен,
Серік ШӘПКЕНОВ,
Атырау облысының әкімі

*Жаңа есім

Қаһарман ҚАҚПАШЫ

Атыраудың тумасы, Қазақстан футболының үкілі үміті, жас қақпашы Темірлан Анарбеков бір сәтте көпшіліктің сүйіктісіне айналды. Өйткені ол Чемпиондар лигасының плей-офф кезеңіндегі шешуші кездесуде айды аспанға шығарып, Қазақ Елінің абыройын аспандатты. Алматының «Қайрат» командасының құрамында Шотландияның «Селтигине» қарсы ойнаған жерлесіміз бәсекелестерінің үш қауіпті соққысын қайтарды. Матч соңындағы пенальти сериясында тіптен үздік көрінді. Осылайша ел тарихында тұңғыш рет «Қайрат» командасы Чемпиондар лигасының топтық кезеңіне жолдама алып отыр.

(Соңы 2-бетте)



Құрметті Атырау облысының тұрғындары мен қонақтары!

Сіздерді «Теңізшевройл» ЖШС ұжымының атынан Қазақстан Республикасының Конституциясы күнімен шын жүректен құттықтаймыз!

Биыл еліміздің одан әрі даму бағытын айқындайтын негізгі заңның қабылданғанына дәл 30 жыл толып отыр. Бұл күн – Қазақстан Республикасының тәуелсіздігін, тұрақтылығын және құқықтық негізін бейнелейтін маңызды мемлекеттік мерекелердің бірі. Теңізшевройл ұжымы Қазақстанның әлеуметтік-экономикалық дамуы мен оның жетістіктерінің, сондай-ақ оның халықаралық аренадағы орны мен рөлінің ажырамас бөлішегі болып отырғаны – біз үшін зор мақтаныш.

Қазақстанның мұнай-газ саласындағы ірі кәсіпорындарының бірі ретінде, ТШО осы өңірдің де, елдің де орнықты дамуына үлес қосып отырғанын мақтан тұтады. Ата Заңда бекітілген адам құқықтарын құрметтеу, қоршаған ортаны қорғау және әлеуметтік жауапкершілікті арттыру сияқты бекітілген қағидаларды біз әрдайым қолдаймыз. Биылдың өзінде облыста 20 әлеуметтік жоба жүзеге асырылып, Жаңаталап селосындағы «Ігілік» ерікті бағдарламасы аясында салынған тағы бір әлеуметтік-инфрақұрылымдық нысан – дене шынықтыру-сауықтыру кешені мереке қарсаңында пайдалануға берілді. Осынау бастамалар – өңірдің дамуы мен өркендеуіне қосқан үлесіміздің айқын дәлелі.

Сіздерді осы айтулы мерекемен шын жүректен құттықтай отырып, жақындарыңызға амандық, береке-бірлік, денсаулық және мол табыс тілейміз.

Уильям ЛАКОБИ,
«Теңізшевройл» ЖШС бас директоры
Көңілқош СҮЙЕСІНОВ,
«Теңізшевройл» ЖШС бас директорының орынбасары

Құрметті Атырау облысының тұрғындары мен қонақтары!

«Атырау Энерго Кешені» атынан Тәуелсіз Қазақстанның айтулы мейрамы – Конституция күнімен құттықтаймыз!

Ата Заңымыз – мемлекетіміздің берік негізі, қоғамдағы бейбітшілік пен келісімнің кепілі. Конституцияда айқындалған құқықтар мен бостандықтарды сақтау – әрқайсымыздың ортақ міндетіміз.

Еліміздің ең басты құндылығы – тәуелсіздік пен бірлік. Сол құндылықтарды көздің қарашығындай сақтап, өркендете берейік.

Сіздерге мықты денсаулық, отбастарыңызға амандық, еңбектеріңізге табыс тілеймін! Мереке құтты болсын!



Ұжымдар атынан,

«Атырау Энерго Кешені» басқармасының төрағасы А.Т.Қариеғенов
«Атырау Жарық» ЖШС-нің директоры М.У.Губашев
«Атырау ЖЭО» ЖШС-нің директоры М.К.Аленов
«Атырау жылы жүйелері» ЖШС-нің директоры А.Н.Темиргалиев